

ԱՐՐԲԵՋԱՆՑԻՆԵՐԻ՝ ՈՐՊԵՍ ԷԹՆԻԿ ԸՆԴՀԱՆՐՈՒԹՅԱՆ
ԻՆՔՆԱՃԱՆԱՉՈՂՈՒԹՅԱՆ ՁԵՎԱԿՈՐՄԱՆ ՇՈՒՐՋ*

ՀՏԴ 94.574

Պողոսյան Աստղիկ

Երևանի պետական համալսարանի Արևելագիտության ֆակուլտետի
Թյուրքագիտության ամբիոնի ասպիրանտ,
ք. Երևան, Հայաստանի Հանրապետություն,
astghikpoghosyan96@gmail.com

Ներկայիս ադրբեջանցիների՝ կովկասյան թյուրքերի մոտ որպես էթնիկ ընդհանրություն ինքնաձանաչողության սաղմնավորումը, համընկնելով գյուքալ ասպարեզում ընթացքող ազգաստեղծման գործընթացներին, ակնհայտորեն կրում է օսմանա-թուրքական ազդեցություն և ուղղորդում: Գործընթացն իր ամենավաղ փուլում դրսևորվեց կովկասյան թյուրքերի մոտ՝ կրոնական ինքնագիտակցության փոխարեն էթնիկ ընդհանրության գիտակցման գերակայությամբ՝ ադրբեջանցիների՝ համաթյուրքական ընտանիքի մաս կազմելու թեզի հիման վրա: Ըստ այդմ, կարող ենք ասել, որ ադրբեջանցիների մոտ ինքնաձանաչողության սաղմնավորումը սերտաձած էր պանթյուրքիստական գաղափարներին: Պանթյուրքիզմի առաջին առանցքային գաղափարախոսներից է հանդիսանում ծագումով ադրբեջանցի գրող, հասարակական-քաղաքական գործիչ Ալի բեյ Հուսեյնզադեն, ով մեծ հետք է թողել ինչպես կովկասյան թյուրքերի համախմբման, այնպես էլ գաղափարախոսության հետագա զարգացման ու բյուրեղացման վրա: Պանթյուրքիզմի հայր, սոցիոլոգ Զիյա Գյոքալփը, կրելով Ալի Հուսեյնզադեի գաղափարական ազդեցությունը, նոր մակարդակի հասցրեց գաղափարախոսությունը՝ նախանշելով թուրքական ու ադրբեջանական պետությունների հետագա գաղափարական ուղին: Հենց այս գաղափարախոսների հայացքները Մուսթաֆա Քեմալ Աթաթյուրքի կողմից դրվեցին 1923թ. Թուրքիայի Հանրապետության գաղափարախոսական հիմքում: Ներկայիս աշխարհաքաղաքական վերածնունդների ֆոնին էլ պանթյուրքիզմի նոր դրսևորումները ցայտուն կերպով արտացոլվում են հարևան Թուրքիայի ու Ադրբեջանի արտաքին քաղաքականության մեջ՝ այդ թվում ՀՀ դեմ:

Բանալի բառեր՝ ինքնագիտակցություն, պանթյուրքիզմ, ազգաստեղծում, լուսավորություն, ջադդիստական շարժում, Ալի բեյ Հուսեյնզադե, Զիյա Գյոքալփ:

Հարավային Կովկասի թյուրքական ժողովուրդների կամ այսօրվա ադրբեջանցիների մոտ էթնիկ ինքնագիտակցության ծնավորումը վերաբերում է 19-րդ դարի վերջից 20-րդ դարի սկզբներն ընկած ժամանակահատվածին, երբ վերջիններիս ինքնագիտակցության մեջ նախ և առաջ տեղի է ունենում ինքնաձանաչողության փոփոխություն՝ կրոնական համայնքից դեպի էթնիկ ընդհանրություն՝ աստիճանաբար ստանալով

*Հոդվածը ներկայացվել է 17.09.2022:

Տպագրության է երաշխավորել պ.գ.դ., պրոֆեսոր Ռ. Մելքոնյանը: 23.09.2022

Հոդվածը տպագրության է ընդունվել 5.10.2022:

թյուրքականության տարրեր՝ կովկասյան թյուրքական և թուրք մտավորականության ուղղորդմամբ: Նշված գործընթացները պայմանավորող գործոններն էին մի կողմից համաշխարհային զարգացումները, այդ թվում՝ եվրոպական երկրներում «ազգ» և «ազգայնականություն» հասկացությունների ծնունդը, մյուս կողմից Կովկասում արծանագրվող սոցիալ–տնտեսական գործընթացները, ինչպես նաև Օսմանյան կայսրության շուրջ տեղի ունեցող զարգացումները:

Այսպես, 18-րդ դարի վերջից Արևմտյան Եվրոպայի քաղաքական, մշակութային ու տնտեսական կյանքում կարևոր դեր է ստանձնում ազգայնականության գաղափարախոսությունը, որը իբրև շարժիչ ուժ տանում է տարբեր կազմավորումների մեջ ապրող ժողովուրդներին դեպի ազգային պետությունների ստեղծումը: Ամերիկացի փիլիսոփա, ազգ և ազգայնականություն հասկացությունների նշանավոր տեսաբաններից Հանս Կոնի բնորոշմամբ 18-րդ դարի վերջին ու 19-րդ դարի սկզբին ազգայնականությունը դարձավ ընդհանուր մտավոր վիճակ համաշխարհային մասշտաբներով¹: Որպես նման փոփոխությունների բնական հետևանք եվրոպական մտավորականության կողմից ներմուծվում են այնպիսի նոր գաղափարներ, ինչպիսիք են մարդու իրավունքները, ազգային պետությունը, մեկը մյուսի հետևից տեղի են ունենում հեղափոխություններ՝ ամերիկյան, ֆրանսիական: Նապոլեոն Բոնապարտի բանակը ազգայնական գաղափարները սփռում է ողջ Եվրոպայում: Քաղաքացիների մոտ արթնանում են ազգ, ծննդավայր, հայրենիք հասկացությունները: Ազգ բառը ֆրանսերեն մեկնաբանությամբ սահմանվում էր որպես մի տարածքում ապրող մարդկանց ամբողջություն, որը համախմբված է ընդհանուր շահի շուրջ մասնավորի դեմ, բաղկացած է ազատ մարդկանցից, ովքեր պաշտպանված են օրենքով և տվել են իրենց համաձայնությունը ղեկավարվելու նույն պետության կողմից²: Ազգայնականության ծագման այլ օրինակ դրսևորվում էր Գերմանիայում: Ամերիկացի գիտնական Լուիս Լեո Սնայդերը գտնում է, որ գերմանական ազգայնականությունը ձևավորվել է ի պատասխան Նապոլեոնի գործողությունների ընդդեմ Գերմանիայի³:

Եվրոպայում տեղի ունեցող այս գործընթացները իրենց ազդեցությունն են ունենում աշխարհի այլ տարածաշրջանների, այդ թվում երեք բազմազգ Օսմանյան, Ռուսական ու Ավստրո–Հունգարական կայսրությունների վրա: Հաշվի առնելով, որ այն հանգամանքը, որ 19-րդ դարում Ռուսական կայսրության տիրապետության տակ ապրում էին թյուրքական ծագման բազմաթիվ մուսուլմաններ, նրանք ևս անմասն չէին կարող մնալ ազգայնականության տարածվող գաղափարներից:

Ներկովկասյան ազդակների առումով արժանահիշատակ են լեհ պատմաբան, հարավկովկասյան տարածաշրջանի ու Ադրբեջանի պատմության մասնագետ Թադեոշ Սվետալիտսկիի դիտարկումները, համաձայն որոնց՝ ադրբեջանցիների մոտ ազգաստեղծման շրջանը (Nation-building) կապվում է ադրբեջանական բյուրոկրատիայի ծագման հետ, ինչն էլ իր հերթին պայմանավորված էր խանությունների վերացման ու երկու պրովինցիաների ստեղծման գործընթացով 1840-1860-ական թվական-

¹Kohn H., The Idea of Nationalism, A study in its Origins and Background, 2d ed. (New York: Collier, 1967) p.24.

²Snyder L., Encyclopedia of Nationalism, New York, 1990, p. 102-105.

³Նույն տեղում, էջ 11:

ներին¹: Այն օգնեց տարածքային միասնություն սահմանելուն, հատուկ տարածքի հետ կապված ընկալումները դարձան կարևոր նախադրյալ ինքնաձանաչողության տեսանկյունից: Ադրբեջանցիները և հատկապես մտավորականությունը սկսեցին տեսնել կորիզ, որի շնորհիվ կարող են համախմբել բնակչությանը «հայրենիքի» գաղափարի շուրջ: Մյուս կողմից կովկասյան թուրքերի շրջանում լուսավորչական էլիտայի ձևավորման վրա իր ազդեցությունը թողեց սոցիալ-տնտեսական մթնոլորտը: 1870-ականներին սկզբին նավթի արդյունահանման ծավալների շեշտակի աճը Բաքուն դարձրեց մի նոր կենտրոն, որտեղ բախվում էին տարբեր ժողովուրդների շահերը: Այս շրջանում էր, որ ադրբեջանցի մուսուլմանները, շարունակաբար հանդիսանալով Բաքվի ամենաաղքատ ու սոցիալական կյանքից դուրս մնացած խավ՝ ի տարբերություն մյուս երկու խոշոր խմբերի՝ հայերի ու ռուսների, սկսեցին տիրապետել սոցիալ-տնտեսական որոշակի լծակներին², ինչն էլ իր հերթին աստիճանաբար հանգեցրեց գործարարներից, ներդրողներից ու քաղաքական դեմքերից բաղկացած ադրբեջանական էլիտայի ձևավորմանը, որոնց շուրջ համախմբվելով՝ մտավորականները սկսեցին սաղմնավորել լուսավորչական գործունեությունը ադրբեջանցիների շրջանում, ովքեր միաժամանակ կրում էին իսլամական ու եվրոպական քաղաքակրթությունների ազդեցությունը և նրանց գաղափարները սկզբնական շրջանում հայեցակարգային դրույթների չէին վերածվում, այլ ավելի շուտ նմանվում էին ինքնության փնտրտուքի կամ դրա ուրվագծմանը:

Այսպես, ադրբեջանցիների մոտ ազգային գիտակցության սաղմնավորման գործում ներդրում ունեցած առաջին մտավորականներից էին Միրզա Ֆաթհալի Ախունդովը (1812-1878 թթ.) և Հասան բեյ Ջարդաբին (1842-1907 թթ.): Ախունդովը առաջիններից էր, որ քննադատությամբ էր հանդես գալիս կրոնական գործոնի նկատմամբ և քարոզում էր ազգային գիտակցության ձևավորման գաղափարներ, միաժամանակ զգուշավորություն դրսևորելով՝ այս շրջանում ադրբեջանցիների համար դեռևս օգտագործում էր «մուսուլմանական ազգ» եզրույթը³: Վերջինս առաջ էր քաշում լեզվական խնդիրը՝ փորձելով պարզեցնել խոսակցական լեզուն և իր երկերում օգտագործելով պարզունակ թուրքերեն, որը հասկանալի կլիներ հասարակ ժողովրդի համար՝ նույնիսկ քարոզելով անցնել լատինատառ այբուբենի: Ախունդովը աշխարհիկությունը ներկայացնում էր որպես հակաթույն սեկտայական բաժանումներին՝ հիմք դնելով լուսավորական շարժմանը ադրբեջանական հասարակության մեջ⁴: Այսպիսով, Ախունդովի կողմից բարձաձայնվում էին ազգաստեղծման ու ազգային գաղափարների արմատավորման համար կենսական խնդիրները, որոնք հետագայում էլ ավելի կատարելագործվելով պիտի տեղ գտնեին թուրքականության նշանավոր տեսաբանների, այդ թվում՝ Ջիյա Գյոքալփի մշակած հայեցակարգերի մեջ՝ նյութականանալով Աթաթյուրքի բարեփոխումներով:

¹Çağla C., Natino-Building in Southern Caucasus: The Case of Azerbaijan (1900-1920), Journal of Balkan and Black Sea Studies, Year 2, Issue 2, p.37.

²Suny R., Nationalism and Social Class in the Russian Revolution: the Cases of Baku and Tiflis, 1980, p.9.

³Süleymanlı E., Milletleşme sürecinde Azerbaycan Türkleri rus işğalinden günümüze sosyolojik bir değerlendirme İstanbul, 2006, s.142.

⁴Swietochowski T., National Consciousness and Political Orientations in Azerbaijan, 1905-1920, 1980, p.2.

Լուսավորական գաղափարների սաղմերը ավելի հիմնավոր հող են գտնում ջադդիստական շարժման համատեքստում՝ դրիմի թաթար Իսմայիլ Գասփիրալիի առաջնորդությամբ, ով մեծ դերակատարում է ունեցել 19-րդ դարի կեսերից արդեն Ռուսաստանի մուսուլմանների մոտ նկատվող զարթոնքի շարժման համակարգման հարցում։ Վերջինիս գաղափարական ծնավորման վրա ազդեցություն է ունեցել երեք միջավայր. Ֆրանսիայում գտնվելու ժամանակ շփումների մեջ է եղել պանսլավոնական գաղափարախոսության կրողների հետ, Օսմանյան կայսրությունում՝ Genç Osmanlı (երիտասարդ օսմաններ) շարժման ներկայացուցիչների (Նամըք Քեմալ, Իբրահիմ Շինասի, Ջիյա փաշա), իսկ 1860-1870-ականներին Ստամբուլում պանիսլամական շարժման ակտիվիստների հետ¹։ Նա նախաձեռնում է կրթական բարեփոխումներ, որոնք ավելի խորքային բնույթ ունեին, քան զուտ կրթական կողմը։ Ուսուցանման Գասփիրալիի ստեղծած «նոր մեթոդը» (usul-i cedit) դարձավ բազմակողմ մի ծրագրի հիմնաքարը, որը ծնունդ տվեց ջադդիստական շարժմանը՝ իսլամական մոդեռնիզմին²։ «Նոր մեթոդով» Գասփիրալին բարձրացրեց աշխարհիկ կրթության ու մեղրեսների բարեփոխումների հարցերը։ 1884 թ. ընթացքում ջադդիստականները (նոր մեթոդականներ, նրանց ընդդիմախոսներին անվանում էին քադիմիստականներ՝ հին մեթոդականներ) ծրագրում է ստեղծել դպրոց, որտեղ աշակերտները պետք է ուսանեին իրենց մայրենի լեզվով։ Նրանց պետք է թույլատրվեր հնարավորինս կարճ ժամկետներում սովորել գրել ու կարդալ թուրքերենով։ Բացի դրանից, նոր մեթոդը ենթադրում էր, որ Ղուրանի դասերից բացի դասավանդվելու էր թուրքերենի քերականություն, իսլամի պատմություն, աշխարհագրություն, համաշխարհային պատմություն, հիգիենա։ Ահա այս նորարարություններն էին դրված առաջին ջադդիստական դպրոցի հիմքում, որը Գասփիրալին բացեց Ղրիմիում՝ Բաղչեսարայի Քայմազ Ալա թաղամասում³։

1883 թվականից Ի. Գասփիրալիի կողմից սկսվել է «Tercüman» (Թարգմանիչ) թերթի հրատարակումը՝ աղբյուրական բուրժուազիայի առաջատար դեմքերից Ջեյնել Աբդուլ Թադիկի ֆինանսավորմամբ, որը դառնում է նորարարական, պանթուրքիստական ազգայնականության գաղափարների խոսափող⁴։ «Tercüman»-ում Գասփիրալին առաջ է քաշում մուսուլմանների միասնականության գաղափարները՝ «Միասնություն լեզվով, մտքով ու գործով» կարգախոսով։ Միասնականություն հասկացության տակ ենթադրվում էր Ռուսաստանի մուսուլմանների միասնականություն, սակայն քանի որ մուսուլմանների մեծամասնությունը թուրքական ծագում ուներ, Գասփիրալի կարգախոսը միաժամանակ հանգում էր Ռուսաստանի թյուրքերի (մուսուլման թյուրքերի) միասնությանը⁵ ընդհանուր լեզու (Lisan-i umumi) դիտարկելով Ղրիմի թաթարերենը, որը պետք է մաքրվեր ռուսերեն, արաբերեն ու ֆրանսերեն բառաֆոնից՝ փոխա-

¹Tokluoğlu C., Ziya Gökalp: Turancılıktan Türkçülüğe, Atatürk araştırma merkezi Dergisi, Cilt XXVIII-Sayı 84, 2012, p.112.

²Lazzerini E., Ismayil Bey Gasprinski and muslim Modernism in Russia, University of Washington, 1973, p.14.

³Նույն տեղում, էջ 27.

⁴Çağla C., Natino-Building in Southern Caucasus: The Case of Azerbaijan (1900-1920), Journal of Balkan and Black Sea Studies, Year 2, Issue 2, 2019, p.38.

Ռուսաստանում առաջին մուսուլմանական թերթը՝ «Էփնջին» լույս է տեսել 1875-1877թթ. Բաքվում՝ Հասան Բեյ Մելիքով Ջարդաբիի ջանքերով, տես՝ Lazzerini E., 1973, p.11.

⁵Kirimli H., Ismail Bey Gaspirali, Türklük ve islam Doğu Bati, Yıl 8, Sayı 31, 2005, s. 147-149.

որինելով այն թուրքերենով՝ որպես օսմանյան թուրքերենի և թաթարերենի խառնուրդ: «Tercüman»-ի էջերում Գասսիիրալին անդրադառնում էր նաև իսլամական աշխարհի հետադիմությանը Արևմուտքի հետ համեմատությամբ, կրոնի հարցին նոր լույսի ներքո անդրադարձի անհրաժեշտության, դպրոցները բարեփոխելու, կնոջ հավասարության և այլ առաջադիմական հարցերի:

Ընդհանուր առմամբ Գասսիիրալիի գաղափարների առանցքը Ռուսական կայսրության թուրքերի կրոնական, մշակութային, լեզվական միասնությունն ու իսլամական աշխարհի հզորացումն էր, սակայն ակնհայտ է, որ Գասսիիրալիի քարոզները չէին սահմանափակվում միայն մուսուլմանների իրավունքների պաշտպանության ու մշակութային միասնության «ամենեղ» գաղափարներով, այլ պարունակում էին ոչ միայն իսլամական աշխարհի շահերի առաջնության քաղաքական ենթատեքստ, այլև պանթուքիստական գաղափարախոսության սաղմերը: Նշվածի մասին է վկայում Գասսիիրալիի՝ 1908 թ. իր փեսային հասցեագրած նամակը. «...այլ թերթի բացակայության պայմաններում «Tercüman»-ը պետք է վերածվի քաղաքական թերթի՝ սկսելով սառը, հաշվարկված և հաստատուն արշավ ընդդեմ թուրք ժողովրդի ներքին և արտաքին թշնամիների ու խոչընդոտների»¹:

Հատկանշական է, որ եթե Գասսիիրալիի հայացքներում թուրքական աշխարհի համախմբման քարոզչությունը դրսևորվում է իսլամական ժողովուրդների միավորման կրոնական երանգներով, ապա հաջորդ գործիչների տեսակետներում անթաքույց կերպով արտահայտվում են պանթուքիստական ազգայնամոլական գաղափարախոսության բաղադրիչները:

Ժամանակի ադրբեջանցի մտավորականներից Ալի բեյ Հուսեյնզադեն (1864-1941թթ.) առաջինն էր, ով սկսում է ակտիվորեն շեշտադրել թուրքական ժողովուրդների, այդ թվում՝ Կովկասի ադրբեջանցիների ծագումնաբանական ընդհանրության գաղափարը՝ որպես նրանց կենսունակության ու գոյապայքարի առանցքային բաղադրիչ: Վերջինս ինչպես ադրբեջանական, այնպես էլ թուրքական հասարակության մեջ ընկալվում է որպես թուրքականության գաղափարախոսության առաջին հիմնադիրներից, ով մեծ ավանդ է ունեցել թուրք ազգայնամոլության հիմնավորման ու առաջնորդման գործում: Պատահական չէ, որ ծագումով ադրբեջանցի Ալի բեյ Հուսեյնզադեն, ով հայտնի է Հուսեյնզադե Ալի Թուրան անունով², ապրելով ու կրթություն ստանալով Ստամբուլում, հանդիսացել է երիտթուրքական շարժման ձևավորման ակտիվիստներից, «Միություն և առաջադիմություն» կուսակցության ղեկավար կազմի անդամ:

Այսպես՝ ռուսական ու իրանական մշակույթների միջև տատանվող ադրբեջանցիների համար Ա. Հուսեյնզադեի մատուցած առաջին ծառայություններից էր ինքնության փնտրտուքի ուղղորդում՝ ազգի ինքնագիտակցության զարթոնքի ճանապարհը դիտարկելով թուրքական պատմության, լեզվի և քաղաքակրթության վերաարժեքորման միջոցով: Ա. Հուսեյնզադեն սկսում է արմատավորել այն գաղափարը, որ «Հարավային

¹Lazzerini E., Ismayil Bey Gasprinski and muslim Modernism in Russia, University of Washington, 1973, p.105.

²1892 թվականից հանդես է գալիս նշված ստորագրությամբ, տես՝ Turan A., Əli bəy Hüseynzadə, Moskva, Salam press, 2008, s.18.

Կովկասի մուսուլմանները թյուրք են»¹: 1905թ. հունիսի 10-ից Հուսեյնզադեն «Հայաթ» թերթում սկսում է հրատարակել հոդվածաշար՝ «Ովքե՞ր են թյուրքերը և ումի՞ց են բաղկացած» վերնագրով: «Մեր մեջ կան մարդիկ, ովքեր չգիտեն, որ ուզեցնե՞րը, դրդոնե՞րը, բաշկիրները թյուրք են: Ունենք բազմաթիվ գրողներ, ովքեր հպարտ լինելով, որ թյուրք են, տեղյակ չեն, թե ովքեր են թյուրքերը և ումից են բաղկացած», - գրում է Ա. Հուսեյնզադեն² միաժամանակ սահմանելով թյուրքական ու իսլամական ժողովուրդների միասնության գաղափարը³: Այս միասնության գաղափարը Ալի Հուսեյնզադեն հիմնավորել է իր «թյուրքականացում, իսլամականացում և եվրոպականացում» եռամիասնության հայեցակարգում՝ որպես թյուրքերի զարգացման ուղենիշային համակարգ, ինչն էլ իր մեծ ազդեցությունն է ունեցել թյուրքականության նշանավոր տեսաբան, սոցիոլոգ Ջիյա Գյոքալփի գաղափարական կայացման վրա: Այս հայեցակարգը ենթադրում էր, որ «մտածողությունն ուղղորդվում է թյուրքական կենսաձևով և իսլամական պաշտամունքով: Միաժամանակ, այն ներառում է ժամանակակից եվրոպայի քաղաքակրթության օգուտները»⁴: Հուսեյնզադեն առաջարկում էր նաև ադրբեջանցի թյուրքերի միավորում օսմանյան կայսրությանը, որպեսզի վերջնականապես լուծվեն աշխարհագրական բաժանման հարցերը՝ իրենց առաջացրած հետևանքներով⁵:

Ա. Հուսեյնզադեի և ադրբեջանցի գրող Ահմեդ Աղաօղլուի կողմից հրատարակվող «Հայաթ» և «Ֆույուզաթ» թերթերը դառնում են 20-րդ դարասկզբի ադրբեջանական ինքնության զարթոնքի գաղափարական խոսափողը: «Ֆույուզաթ» թերթում Հուսեյնզադեն, ներկայացնելով իր պատկերացրած միասնականությունը, գրել է. «Թյուրքական արյունով, իսլամական հավատարմությամբ, ֆռանգի մտածելակերպով, եվրոպացու հագուստով նվիրյալ է անհրաժեշտ»⁶:

Թյուրքականության գաղափարի ենթատեքստում ամրագրում է այն դրույթը, որ Ադրիատիկ ծովից մինչև Չինաստան բոլոր թյուրքալեզու ժողովուրդները պետք է միավորվեն մեկ թյուրքական միության մեջ: Դրա առաջին գործոնը պետք է լինի լեզվական միասնությունը⁷: Մինչև Հունգարիա թյուրքական ժողովուրդների սիռման ու թյուրքական տարածքների գյոքալփյան թեզը առաջին անգամ ևս հանդիպում ենք Հուսեյնզադեի մոտ: Թյուրք գրող Յուսուֆ Աբջուրան նշում էր, որ Հուսեյնզադեն միակ գրողն էր, որ այդ շրջանում բացահայտորեն խոսում էր հունգարների հետ միավորման մասին: Հուսեյնզադեի բանաստեղծությունը ստորև.

Դո՛ւք, հունգարներ՝ ի մեր եղբայրներն եք,

Մեր բոլորի նախապապերի արմատները Թուրանից են

¹Uzer U., Ali Bey Hüseyinzade and his impact on national thought in Turkey and the Caucasus, Acta Via Serica Vol.3, No. 2, 2018, p. 138.

²Hüseyinzade A., Türkler kimdir ve kimlerden ibarettir, Hayat 77, 1906.

³"Müsülmaniz, onun için dünyanın her neresinde heythane bulunduğunuz din gardaşlarımız terakki etse biz o terakkinin az canu din algışlardız Türküz, binaaneleyh Türküz. Türkün her yerde terakki ve tekamül ile mesudiyet ve refahiyet dileriz!" Stıu՝ A.B. Huseynzade, "Gazetemizin Mesleki", Hayat 1, 1905

⁴Çağla C., Natino-Building in Southern Caucasus: The Case of Azerbaijan (1900-1920), Journal of Balkan and Black Sea Studies, Year 2, Issue 2, 2019, p.43.

⁵Süleymanlı E., Milletleşme sürecinde Azerbaycan Türkleri rus işğalinden günümüze osyolojik bir değerlendirme İstanbul, 2006 p. 89.

⁶Turan A., Əli bey Hüseyinzadə, Moskva, Salam press, 2008y., s. 70.

⁷Hikmet B. Y., Türk inkilapi tarihi, Ankara, 1963, s.35.

Մենք պատկանում ենք միևնույն կրոնին, Աստծու բոլոր երկրպագուներս,
Կարո՞ղ են արդյոք Աստվածաշունչն ու Ղուրանը բաժանել մեզ¹:

Հուսեյնզադեն առանձնացնում էր երեք թյուրքական համայնք՝ Սիբիրի թյուրքեր, Անատոլիայի ու Եվրոպայի թյուրքեր և Հարավային Կովկասի թյուրքեր և քարոզում նրանց միջև սերտ կապերի հաստատման գաղափարը՝ համալսարանների, ասոցիացիաների ստեղծման ճանապարհով, ինչը կտաներ թյուրք ազգի պատմության ու ծագման շուրջ լուրջ ուսումնասիրությունների անցկացմանը²: Այսպիսով, Հուսեյնզադեն առանցքային դերակատարում է ունեցել թուրանականության հիմնական դրույթների ձևավորման գործում, ինչը համակարգված հայեցակարգի վերածվեց Զ. Գյոքալփի ջանքերով՝ մեծ ազդեցություն ունենալով թե՛ Թուրքիայի և թե՛ Ադրբեջանի որպես պետություն կայացման գաղափարական հենքի վրա:

Վերոնշյալի համատեքստում Գյոքալփի կյանքի ու գործունեության վերաբերյալ ինքնակենսագրական նյութերի ուսումնասիրությամբ արձանագրվում է, որ վերջինս մեծապես կրել է Ա. Հուսեյնզադեի գաղափարական ազդեցությունը: Զ. Գյոքալփն ինքը Հուսեյնզադեին անվանել է մարգարե: Իսկ «Թյուրքականության հիմունքները» գրքում Գյոքալփն գրել է, որ 1896 թ. Ստամբուլ գալով՝ շփվել է Հուսեյնզադեի հետ և սերտել նրա հայացքները պանթյուրքիզմի մասին³: Ժամանակի պանթյուրքիստական մտքի կերտողների վրա Հուսեյնզադեի ազդեցության մասին վկայել է նաև Թադեոշ Սվետախովսկին. «...Պանթյուրքիզմի մշակութային շրջանակներում առաջին քայլը կատարողը ադրբեջանցի Ալի Հուսեյնզադեն է...Ալի բեյի Թուրան բանաստեղծության համանուն ստորագրությամբ թեկուզ և մի բուռ գրվածքները որոշ մտավորականների վրա ներգործելով ավելի մեծ հաջողություն ունեցան: Նրանց շարքում Մեհմեդ Էմին Յուրդաբուլը և Զիյա Գյոքալփը նրան (Հուսեյնզադե Ալի բեյին-խմբ.) շատ բան են պարտական»⁴, - գրել է նա:

Զիյա Գյոքալփը թուրանականության հոսանքի առաջին ազդականը լսել է Հուսեյնզադեի «Թուրան» բանաստեղծության տողերում, իսկ դրա ազդեցությամբ գրված Գյոքալփի համանուն ներքոհիշյալ բանաստեղծությունը ավելի մեծ ազդեցություն է գործել ժամանակի թուրք մտավորականության վրա.

Հայրենիքը թյուրքերի ոչ Թուրքիան է, ոչ էլ Թուրքիստանը,
Հայրենիքը մեծ ու հավիտենական մի երկիր է՝ Թուրանը...⁵

Զիյա Գյոքալփի վրա Հուսեյնզադեի գաղափարական ազդեցության դրսևորումները ուսումնասիրենք ակնհայտ օրինակներով: Երկուսն էլ հանդես էին գալիս որպես

¹Sizlersiniz ey kavm-i Macar bizlere ihvan

Ecdadımızın müştereken menşei Turan

Bir dindeyiz biz, hepimiz hakperestan,

Mümkün mü ayırsın bizi İncil ile Kuran.

Alaattin U., Dr. Hüseyinzade Ali Bey, Turk Yurdu dergisi, sayı 288, 2011, www.turkyurdu.com.tr/yazar-yazi.php?d=1578 (21.05.2021).

²Hüseyinzade A., Türkler, Hayat 22, 1905.

³Gökalp Z., Türkçülüğün esasları, Ankara, 2019, s.11.

⁴Swetochowski T., Müsülman Cemaatten Ulusal Kimliğe Rus Azerbaycanı, 1905-1920, İstanbul, 1988, s.52-53.

⁵"Vatan ne Türkiyedir Türklere, ne Türkistan

Vatan büyük ve müebbet bir ülkedir Turan..."

Uca A., Ziya Gökalp ve ona türkçülüğü aşlayan Adam:Hüseyinzade Ali Bey, Atatürk Üniversitesi Türkiyat Araştırmaları Enstitüsü Dergisi, Sayı 8, 2010, s. 170.

թուրանականության ջատագով՝ դրա մի փուլ դիտարկելով թյուրքիզմը: Թուրանը պետք է ընդգրկեր բոլոր թյուրքալեզու պետություններին՝ համախմբելով միասնական արժեքների շուրջ: Զիյա Գյոքալփը իր «Թյուրքականության հիմունքները» գրքում հանդես է գալիս որպես մշակութային թյուրքականության քարոզիչ՝ մերժելով ցեղային ու աշխարհագրական ծները¹: Որպես թուրանականության գաղափարի միասնությունը ապահովող գլխավոր գործոն երկուստեք դիտարկվում էր լեզվական ընդհանրությունը՝ հենվելով հետևյալ երեք սկզբունքի վրա՝ նույն երկրի տարբեր շրջանների բարբառների միջև տարբերությունների վերացում, Ստամբուլի թուրքերենի տարածում Ադրբեջանում, թյուրքական ազգին պատկանող տարբեր ժողովուրդների միջև լեզվական տարբերությունների վերացում և արդյունքում առանձին համաթուրքական լեզվի ստեղծում²: Վերոնշյալ գաղափարները բարեփոխումներն իրենց արտացոլումը գտան Թուրքիայի Հանրապետության հիմնադիր Մուսթաֆա Քեմալի լեզվական բարեփոխումներում: Ուշագրավ է նաև, որ Քեմալի լեզվական բարեփոխումների գործընթացում ներգրավվել է նաև Ա. Հուսեյնզադեն, իսկ 1933 թ. նշանակվել Թուրքիայի կրթության նախարար, տարբեր միջազգային հարթակներում որպես թյուրքագետ ներկայացրել է Թուրքիայի շահերը:

Միասնության ապահովման հաջորդ հանգույցը Հուսեյնզադեն ու Գյոքալփը տեսնում էին դասակարգային ու կրոնական՝ իսլամի ուղղությունների տարբերությունների հարուցած խնդիրները լուծելու մեջ: Հուսեյնզադեն գրում էր, որ «փրկությունը սիրո մեջ է»՝ դեմ հանդես գալով ցանկացած դասակարգային բաժանման ու պահանջելով հավասարություն բոլոր դասերի համար՝ հատկապես ճնշվածների, որպես այդպիսին ներկայացնելով ռուսական տիրապետության տակ գտնվող ադրբեջանցի թուրքերին³: Այս համատեքստում Հուսեյնզադեն դեմ էր արտահայտվում նաև սուննի-շիա տարբերությունների խորացմանը թուրք հասարակության մեջ հետևյալ ձևակերպմամբ. «Մենք պետք է շարժվենք դեպի միասնություն: Մենք պետք է առաջ ընթանանք դեպի միասնությունը»⁴: Դասակարգային տարանջատման բացառման հարցը Զիյա Գյոքալփը արժարժում է ոչ միայն հրապարակախոսության մեջ, այլև գրական երկերում: Ստորև ներկայացնենք հատված Զ. Գյոքալփի «Գյուլ» (Köy) բանաստեղծությունից.

Ով թուրք, գյուղդ ազատ մի բույն է,
Ազարակ (կալվածք) չէ, չունի բեյ, աղա...
Յուրաքանաչյուր գյուղացի արտ ունի,
Սեփական տանը և բեյ է, և աղա (տեր ու տիրական)⁵:

Ուշագրավ է, որ դասակարգերի վերացման գաղափարախոսությունը իրավական ամրագրում է ստացել ինչպես Թուրքիայի, այնպես էլ Ադրբեջանի Հանրապետություններում՝ հստակ արձանագրելով Հուսեյնզադե-Գյոքալփ-Քեմալ և Հուսեյնզադե-Գյոքալփ-Ռասուլզադե ազդեցության օղակների, ինչպես նաև անմիջապես Հուսեյնզադեի

¹Սաֆարյան Ա., Զիյա Գյոքալփը և թյուրքականության հիմունքները, Երևան, 2012, էջ 52.

²Həsənova S., Əli Bey Hüseynzadənin dilçilik görüşləri, Bakı, 2006, s. 11.

³Uzer U., Ali Bey Hüseyinzade and his impact on national thought in Turkey and the Caucasus, Acta Via Serica Vol.3, No. 2, 2018, p. 138.

⁴Erdoğan U., Azerbaycan Matbuatında Füyüzat Dergisi, Modern türklük araştırmalar dergisi 7: 2, 2010, p. 154.

⁵Սաֆարյան Ա., Զիյա Գյոքալփը և թյուրքականության հիմունքները, Երևան, 2012, էջ 217.

Քենալի վրա ունեցած ազդեցությունը: Մի կողմից նշվածն արտացոլվում է 1931 թ. Հանրապետական–ժողովրդական կուսակցության ընդունված ծրագրում, որտեղ Թուրքիայի ժողովուրդը դիտվում էր որպես ոչ թե առանձին դասակարգերի հանրագումար, այլ որպես միասնական ամբողջություն, որը մասնավոր ու հասարակական կյանքում կարող էր բաժանվել տարբեր մասնագիտությունների՝ ըստ աշխատանքի բաժանման սկզբունքի¹: Մյուս կողմից, Հուսեյնզադեի ու Գյոքալփի դասակարգերի բացառման թեզը արձանագրվում է Ադրբեջանի Առաջին Հանրապետության հիմնադիր Ռասուլզադեի հայացքներում. «Նախ և առաջ Ադրբեջանի Հանրապետության ղեկավարումը հիմնվում է բոլոր քաղաքացիների իրավունքների հավասարության վրա... Այստեղ մի դասը մյուսին չի իշխում: Մարդը ոչ հարստությամբ իրավացի է համարվում, ոչ էլ աղքատությամբ իրավագուրկ...»²:

Միաժամանակ, հարկ է արձանագրել, որ ինչպես Հուսեյնզադեի, այնպես էլ Գյոքալփի հրապարակախոսության մեջ հանդիպող հավասարության, արդարության և այլ համամարդկային արժեքների շուրջ արժարժումները իրենց խորքային էությամբ խիստ վերապահումներով էին մոտենում մյուս ժողովուրդներին, նրանց զրկածքներում ակնհայտորեն դրսևորվում էին ազգայնամոլական սահմանումներ՝ թյուրքերի գերակայության համատեքստում:

Այսպիսով, կարելի է փաստել, որ 19-րդ դարի վերջից 20-րդ դարի սկզբներն ընկած ժամանակահատվածում կովկասյան թյուրքերի կամ այսօրվա ադրբեջանցիների շրջանում ինքնաճանաչողության փնտրտուքները հանգում են իսլամական հանրույթից էթնիկական միավորի գիտակցմանը՝ առանձնացնելով դրա կենսական այնպիսի բաղադրիչներ ինչպիսիք են ընդհանուր տարածքը, լեզուն ու աշխարհիկ բարքերը: Միաժամանակ, ավելի ուշ փուլում սաղմնավորվում են ադրբեջանցիների՝ թյուրքական ժողովուրդների մաս լինելու, համաթյուրքական համախմբման ազգայնամոլական տարրեր պարունակող գաղափարները, որոնք բյուրեղացվելով պանթյուրքիզմի ու թուրանականության հայտնի տեսաբանների կողմից գործարկվում են ադրբեջանա–թյուրքական նորաստեղծ պետությունների գաղափարական կայացման նպատակով:

ԳՐԱԿԱՆՈՒԹՅԱՆ ՑԱՆԿ

1. Սաֆարյան Ա., Զիյա Գյոքալփը և թյուրքականության հիմունքները, Երևան, 2012:
2. Çağla C., Natino-Building in Southern Caucasus: The Case of Azerbaijan (1900-1920), Journal of Balkan and Black Sea Studies, Year 2, Issue 2, 2019:
3. Kohn H., The Idea of Nationalism, A study in its Origins and Background, 2d ed., New York: Collier, 1967
4. Lazzarini E., Ismayil Bey Gasprinski and muslim Modernism in Russia, University of Washington, 1973.
5. Snyder L., Encyclopedia of Nationalism, New York, 1990:

¹Նույն տեղում, էջ 219:

²Rasulzade M., Asrimizin Siyavuşu, Ankara, 1989, s. 44.

6. Suny R., Nationalism and Social Class in the Russian Revolution: the Cases of Baku and Tiflis, 1980:
7. Swietochowski T., National Consciousness and Political Orientations in Azerbaijan, 1905-1920, 1980.
8. Uzer U., Ali Bey Hüseyinzade and his impact on national thought in Turkey and the Caucasus, Acta Via Serica Vol.3, No. 2, 2018,
9. Alaattin U., Dr. Hüseyinzade Ali Bey, Turk Yurdu dergisi, sayı 288, 2011,
10. Ebulfez S., Milletleşme sürecinde Azerbaycan Türkleri: Rus işğaldan günümüze sosyolojik bir değerlendirme, İstanbul, 2006,
11. Erdoğan U., Azerbaycan Matbuatında Füyüzat Dergisi, Modern türklük araştırmalar dergisi 7: 2, 2010
12. Gökalp Z., Türkçülüğün esasları, Ankara, 2019
13. Həsənova S., Əli Bey Hüseynzadənin dilçilik görüşləri, Bakı, 2006
14. Hikmet B. Y., Türk inkılapı tarihi, Ankara, 1963
15. Hüseyinzade A., Türkler kimdir ve kimlerden ibarettir, Hayat 77, 1906
16. Hüseyinzade A., Türkler, Hayat 22, 1905
17. Kırımlı H., İsmail Bey Gaspirali, Türklük ve islam Doğu Batı, Yıl 8, Sayı 31, 2005
18. Süleymanlı E., Milletleşme sürecinde Azerbaycan Türkleri rus işğalinden günümüze sosyolojik bir değerlendirme, Ankara, 2006
19. Swetochowski T., Müslüman Cemaatten Ulusal Kimliğe, Rus Azerbaycanı 1905- 1920, İstanbul, 1988
20. Tokluoğlu C., Ziya Gökalp: Turancılıktan Türkçülüğe, Atatürk araştırma merkezi Dergisi, Cilt XXVIII-Sayı 84, s.104-143, 2012.
21. Turan A., Əki Bəy Hüseynzadə, Moskva, 2008.
22. Rasulzade M., Asrimizin Siyavuşu, Ankara, 1989.
23. Uca A., Ziya Gökalp ve ona türkçülüğü aşıl原因 Adam:Hüseyinzade Ali Bey, Atatürk Üniversitesi Türkiyat Araştırmaları Enstitüsü Dergisi, Sayı 8, 2010

REFERENCES

1. Alaattin U., Dr. Hüseyinzade Ali Bey, Turk Yurdu dergisi, (Dr. Huseynzade Ali Bey, Turk Yurdu magazine) sayı 288, 2011, (in Turkish)
2. Erdogan U., Azerbaijan Matbuatında Füyüzat Dergisi, Modern türklük araştırmalar dergisi 7: 2 (Füyüzat Magazine in Azerbaijan Press, Journal of Modern Turkish Studies 7: 2), 2010 (in Turkish)
3. Gökalp Z., Türkçülüğün esasları, (Basics of Turkism, Ankara) Ankara, 2019 (in Turkish)
4. Həsənova S., Əli Bey Hüseynzadənin dilçilik görüşləri, Bakı, (Linguistic views of Ali Bey Huseynzade), Baku 2006 (in Turkish)
5. Hikmet B. Y., Türk inkılapı tarihi, Ankara (History of the Turkish revolution, Ankara), 1963 (in Turkish)
6. Hüseyinzade A., Türkler kimdir ve kimlerden ibarettir, Hayat 77, (Who are the Turks and who are they consist of, Hayat 77) 1906 (in Turkish)

7. Hüseyinzade A., Türkler, Hayat 22, (The Turks, Hayat 22) 1905 (in Turkish)
8. Kırımli H., İsmail Bey Gâsıralı, Türklük ve islam, Doghu Bati (Turkishness and Islam, East West), Year 8, Issue 31, 2005 (in Turkish)
9. Rasıulzade M., Asrıızın Siyavıshu, Ankara, (Siyavısh of our century, Ankara), 1989 (in Azerbaijani)
10. Safaryan Al., Ziya Gyoqalp'y' ev t'yurqakanut'yan himunqnerı', Erevan, (Ziya Gökalp and Basics of Turkish Studies, Yerevan), 2012 (in Armenian)
11. Süleymanlı E., Milletleshme sürejinde Azerbayjan Türkleri, rus ishghalinden günümüze sosyolozhik bir degherlendirme, Ankara (Azerbaijan Turks in Nationalization Process, a sociological evaluation from the Russian occupation to the present, Ankara), 2006 (in Turkish)
12. Swetojhowski T., Müsülman Jemaatten Ulusal Kimlighe Rus Azerbayjani, 1905-1920, Istanbul, (Russian Azerbaijan 1905-1925, The Shaping of National Identity in a Muslim Community), 1988 (in Turkish)
13. Tokluoghlu J., Ziya Gökalp: Turanjiliktan Türkchölüghe, Atatürk arashtırma merkezi Dergisi, (Ziya Gökalp: from Turanism to, The journal of Atatürk Research Center), Cilt XXVIII-Sayı 84, s.104-143, 2012 (in Turkish)
14. Turan A., Äli Bâı Hüseyinzadä, (Ali Bey Huseynzade) Moskva, 2008 (in Azerbaijani)
15. Uja A., Ziya Gökalp ve ona türkchölüghü ashilayan Adam:Hüseyinzade Ali Bey, Atatürk Üniversitesi Türkiyat Arashtırmaları Enstitüsü Dergisi, (Ziya Gökalp and the person who instilled Turkishness in him: Hüseyinzade Ali Bey, Aataturk University Press,Turcology Research), Sayı 8, 2010 (in Turkish)

РЕЗЮМЕ

О ФОРМИРОВАНИИ САМОСОЗНАНИЯ АЗЕРБАЙДЖАНЦЕВ КАК ЭТНИЧЕСКОЙ ОБЩНОСТИ

Погосян Астгик

аспирантка кафедры тюркологии факультета востоковедения

Ереванского государственного университета

Республика Армения

Привитие самосознания нынешним азербайджанцам, кавказским тюркам, как этнической общности, совпадающее с процессами нациестроительства, происходящими на мировой арене, явно несет османско-турецкое влияние. Наиболее ранним образом этот процесс проявился у кавказских тюрков с преобладанием этнического общинного сознания над религиозного самосознания, исходя из тезиса о принадлежности азербайджанцев к пантюркистской семье. По этому можно сказать, что "зародыш" самосознания у азербайджанцев был связан с пантюркистскими идеями. Одним из первых ключевых идеологов пантюркизма был писатель, общественный и политический деятель азербайджанского происхождения Али-бек Гусейнзаде, оставивший большой след в объединении кавказских тюрков, а также в дальнейшем развитии и кристаллизации идеологии. Отец пантюркизма социолог Зия Гёкальп, являясь носителем мировоззрения Али Гусейнзаде, поднял на новый уровень идеологию пантюркизма, наметив тем самым идеологию дальнейшего развития турецкого и азербайджанского

государств. Взгляды именно этих деятелей Мутафа Кемал Ататюрк использовал в 1923 году как основу идеологии Турецкой Республики. На фоне современных геополитических трансформаций новые элементы пантюркизма ярко проявляются во внешней политике Турции и Азербайджана, в том числе, и против Армении.

Ключевые слова: самопознание, пантюркизм, национальное строительство, просвещение, джихадистское движение, Али бек Гусейнзаде, Зия Гокалп.

SUMMARY

THE FORMATION OF SELF-IDENTITY AMONG AZERIS AS ETNIK COMMUNITY

Poghosyan Astghik

*Yerevan State University,
Faculty of Oriental Studies,
Chair of Turkish Studies, Ph.D Student,
Yerevan, the Republic of Armenia*

The emergence of the consciosness of ethnic community as a form of self-identity among the Caucasian Turks or present-day Azeris, coinciding with the processes of nation-building taking place in the global arena, obviously bears Ottoman-Turkish influence as well. At an early stage of the process ethnic community consciosness became predominant instead of the religious self-conscioussness among Caucasian Turks, based on the thesis that Azeris are part of the pan-Turkic family. Accordingly we can say that birth of self-identity among the Azerbaijanis is closely attached to the pan-Turkic ideas. One of the first key ideologues of Pan-Turkism is azeri writer, public and political figure Ali Bey Huseynzade, who left a significant mark on the unification of Caucasian Turks, as well as on the further development and crystallization of the ideology. The father of pan-Turkism sociologist Ziya Gökalp, under the ideological influence of Ali Huseinzadeh, raised the ideology of panturkism to a new level, outlining the future ideological path of the turkish and azerbaijani states. The views of these intellectuals were implemented as the basis of the state ideology of Republic of Turkey by Mustafa Kemal Atatürk in 1923. In the context of current geopolitical transformations, the contemporary ellements of pan-Turkism are vividly reflected in the foreign policy of neighboring Turkey and Azerbaijan, including their policy against RA.

Key words: self-knowledge, pan-Turkism, nation-building, enlightenment, Jadist movement, Ali bey Huseynzade, Ziya Gokalp.